

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE
Općinski načelnik

Broj: 02-14-7-7492/19

Datum: 04.11.2019. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14) i člana 110. Statuta Općine Jajce („Službene novine Općine Jajce“, broj 3/08) u postupku javne nabavke – konkurentskog zahtjeva za dostavu ponuda za nabavku lož ulja za potrebe Općine Jajce u 2020. godini, čije obavještenje je objavljeno na portalu javnih nabavki pod brojem 1190-7-1-64-3-41/19 od 03.10.2019. godine, Općinski načelnik donosi

O D L U K U
o poništenju postupka

I

Donosi se odluka o poništenju postupka javne nabavke roba: „Nabavka lož ulja za potrebe Općine Jajce za 2020. godinu“, broj 02-14-7-7492/19, čije obavještenje je objavljeno na portalu javnih nabavki pod brojem 1190-7-1-64-3-41/19 od 03.10.2019. godine.

II

Postupak konkurentskog zahtjeva za dostavu ponuda se poništava jer su cijene svih prihvatljivih ponuda znatno veće od osiguranih sredstava za predmetnu nabavku (član 69. stav (2) tačka e) Zakona o javnim nabavkama BiH).

III

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

O b r a z l o ž e n j e

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku lož ulja za potrebe Općine Jajce za 2020. godinu, čije obavještenje je objavljeno na portalu javnih nabavki pod brojem 1190-7-1-64-3-41/19 od 03.10.2019. godine. Postupak je pokrenut Odlukom o pokretanju postupka, broj 02-14-7-7492/19 od 03.10.2019. godine. Nakon što je obavljeno ispitivanje tržišta i temeljem osiguranih sredstava u Budžetu Općine Jajce za 2020. godinu, procijenjena vrijednost nabavke bez PDV-a iznosi 43.000,00 KM. U predmetnom postupku javne nabavke Rješenjem Općinskog načelnika broj 02-14-7-7492/19 od 03.10.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda i Preporuku o poništenju postupka broj 02-14-7-7492/19 od 04.11.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da su blagovremeno zaprimljene dvije (2) ponude i to ponude privrednih društava:

1. „HIFA-PETROL“ d.o.o. Sarajevo
2. „BTG“ d.o.o. Tomislavgrad

Neposredno prije otvaranja ponuda Komisija je preuzela izvještaj o preuzimanju tenderske dokumentacije od strane ponuđača i utvrdila da su svi ponuđači preuzeli tendersku dokumentaciju sa Portala javnih nabavki.

Ocjenom zaprimljenih ponuda Komisija je utvrdila da su sve zaprimljene ponude dostavljene u skladu sa postavljenim uslovima u konkurentskom pozivu, tj. sve ponude sadrže tražena dokumenta te su ponuđači ocijenjeni kao kvalifikovani.

Nakon ocjene kvalifikacije ponuđača prešlo se na finansijsku evaluaciju ponuda te provjeri računskih operacija u cilju utvrđivanja eventualnih računskih greški. Utvrđeno je da u ponudama nisu uočene greške računске prirode.

Tenderskom dokumentacijom u ovom postupku javne nabavke predviđeno je zakazivanje e-Aukcije. Prije zakazivanja iste, Komisija je utvrdila sljedeću rang-listu kvalifikovanih ponuđača (prema kriteriju najniža cijena):

1. „BTG“ d.o.o. Tomislavgrad - ponuđena cijena sa PDV-om iznosi 60.372,00 KM
(ponuda bez PDV-a iznosi **51.600,00 KM**)
2. „HIFA-PETROL“ d.o.o. Sarajevo - ponuđena cijena sa PDV-om iznosi 62.829,00 KM
(ponuda bez PDV-a iznosi **53.700,00 KM**)

Nakon e-Aukcije koja je zakazana za 24.10.2019. (početak e-Aukcije 09:30- završetak 09:40 sati) i na koju su pozvani kvalifikovani ponuđači, utvrđena je konačna rang-lista (prema kriteriju najniža cijena):

1. „BTG“ d.o.o. Tomislavgrad - ponuđena cijena sa PDV-om iznosi 60.372,00 KM
(ponuda bez PDV-a iznosi **51.600,00 KM**)
2. „HIFA-PETROL“ d.o.o. Sarajevo - ponuđena cijena sa PDV-om iznosi 62.829,00 KM
(ponuda bez PDV-a iznosi **53.700,00 KM**)

S obzirom na to da su ponuđači dostavili cijene svojih ponuda znatno veće od planiranih i osiguranih sredstava za predmetnu nabavku, te da istu nisu umanjili tokom e-Aukcije, Komisija je preporučila Ugovornom organu da se predmetni postupak javne nabavke poništi. Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku te je donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Dostaviti:

- Ponuđačima
- Službenik za informisanje
- a/a



Općinski načelnik
Edin Hozan